

Na osnovu Odluke Vlade Federacije BiH o usvajanju programa utroška sredstava sa kriterijima raspodjele sredstava „Tekući transferi drugim nivoima vlasti i fondovima - Transfer za razvoj turizma u Federaciji BiH“, utvrđenih Budžetom Federacije Bosne i Hercegovine za 2022. godinu Federalnom ministarstvu okoliša i turizma („Službene novine Federacije BiH“, broj: 49/22), Odluke o raspodjeli neutrošenih sredstava preostalih po programima 2 i 4 „Tekući transferi drugim nivoima vlasti i fondovima - Transfer za razvoj turizma u Federaciji BiH broj: 06-18-4-293/22 od 20.9.2022. godine, federalna ministrica okoliša i turizma, *raspisuje*

PONOVNI JAVNI POZIV

za preostala sredstva iz sredstava utvrđenih Odlukom Vlade Federacije BiH

- za Program 2. pod nazivom: „Program podrške iznajmljivačima koji se bave iznajmljivanjem smještajnih kapaciteta (*apartmani, studio apartmani, sobe u domaćinstvu, kuće za odmor, kamp u domaćinstvu*) u cilju proširenja i unapređenja smještajnih kapaciteta i infrastrukture u domaćinstvu i seoskom domaćinstvu u ruralnim predjelima“ u ukupnom iznosu od 143.865,13 KM i

- za Program 4. pod nazivom: „Sufinansiranje promocije turističkih potencijala Federacije BiH kroz izradu i objavu promotivnih materijala u elektronskom i štampanom obliku na službenim jezicima Federacije BiH (web portala, dnevnih novina i magazina), koji doprinose boljoj informisanosti građana Federacije BiH/domaći turisti o raspoloživim turističkim ponudama, resursima i kapacitetima Federacije BiH, u ukupnom iznosu od 150.000,00 KM.

I.

Predmet ponovnog Javnog poziva je prikupljanje projekata za raspodjelu nerealiziranih sredstava „Tekući transferi drugim nivoima vlasti i fondovima - Transfer za razvoj turizma u Federaciji BiH“ utvrđenih u razdjelu 61, ekonomski kod 614100 Budžeta Federacije BiH za 2022. godinu Federalnom ministarstvu okoliša i turizma.

Nakon okončanog Javnog poziva broj: 06-18-4-293/22 od 23.6.2022. godine, utvrđena su neutrošena sredstva u iznosu od 293.865,13 KM koja će se rasporediti ovim Javnim pozivom u cilju potpunog utroška dodjeljenih budžetskih sredstava.

II.

- NAZIV PROGRAMA:

PROGRAM 2. Program podrške iznajmljivačima koji se bave iznajmljivanjem smještajnih kapaciteta (*apartmani, studio apartmani, sobe u domaćinstvu, kuće za odmor, kamp u domaćinstvu*) u cilju proširenja i unapređenja smještajnih kapaciteta i infrastrukture u domaćinstvu i seoskom domaćinstvu u ruralnim predjelima.

SVRHA PROGRAMA:

Specifični – Proširenje smještajnih kapaciteta i poboljšanje kvaliteta postojećih usluga smještaja u ruralnim predjelima na području Federacije BiH;

Mjerljivi – Broj podržanih iznajmljivača u ruralnim predjelima;

Ostvarivi – Programska aktivnost realizirana u ugovorenom roku.

KORISNICI SREDSTAVA: Iznajmljivači u domaćinstvu i seoskom domaćinstvu u ruralnim predjelima koji imaju kategorizirane objekte (posjeduju Rješenje Federalnog ministarstva okoliša i turizma o ispunjavanju minimalno-tehničkih uslova, te vrsti i kategoriji objekta ili Rješenje nadležnog kantonalnog ili općinskog/gradskog organa) sa najmanje 20% učešća vlastitih sredstava u odnosu na vrijednost projekta za koji aplicira.

KRITERIJI ZA RASPODJELU SREDSTAVA:

- Broj postelja;
- % učešća vlastitih sredstava u odnosu na vrijednost projekta za koji aplicira.

NAJNIŽI I NAJVIŠI IZNOS ZA DODJELU:

- Najniži iznos po aplikaciji: 1.000,00 KM
- Najviši iznos po aplikaciji: 20.000,00 KM

- NAZIV PROGRAMA:

Program 4: Sufinansiranje promocije turističkih potencijala Federacije BiH kroz izradu i objavu promotivnih materijala u elektronskom i štampanom obliku na službenim jezicima Federacije BiH (web portala, dnevnih novina i magazina), koji doprinose boljoj informisanosti građana Federacije BiH/domaći turisti o raspoloživim turističkim ponudama, resursima i kapacitetima Federacije BiH.

SVRHA PROGRAMA:

Specifični – Promocija turističkih potencijala Federacije BiH putem web portala, dnevnih novina i magazina;

Mjerljivi – Broj promotivnih materijala;

Ostvarivi – Programska aktivnost realizirana u ugovorenom roku.

KORISNICI SREDSTAVA: Pravna lica registrovana za izdavačku ili srodnu djelatnost registrovana u Federaciji BiH, s jasno navedenim podacima o izdavaču i impressumu medija, sa najmanje 20% učešća vlastitih sredstava u odnosu na vrijednost projekta za koji apliciraju.

KRITERIJI ZA RASPODJELU SREDSTAVA:

- Broj štampanih primjeraka jednog izdanja (tiraž);
- Čitanost web portala, dnevnih novina i magazina;

- Broj objavljenih promotivnih materijala iz oblasti turizma;
- Kvalitet i način realizacije medijskih sadržaja koji će biti producirani (kvalitet videa /snimci iz zraka, HD snimci kamere/ kvalitet fotografija);
- % učešća vlastitih sredstava u odnosu na vrijednost projekta za koji aplicira.

NAJNIŽI I NAJVIŠI IZNOS ZA DODJELU:

- Najniži iznos po aplikaciji: 1.000,00 KM
- Najviši iznos po aplikaciji: 25.000,00 KM

III.

UPUTSTVO ZA PODNOSIOCE PRIJAVA

Neophodna dokumentacija za učešće u ponovnom Javnom pozivu:

➤ **Obavezna dokumentacija za sve aplikante:**

1. Popunjen aplikacioni Obrazac *Prilog: I*; preuzeti sa web stranice: *www.fmoit.gov.ba* (u zavisnosti od vrste programa);

2. Izjava o realizaciji projekta; *Prilog: II*; preuzeti sa web stranice: *www.fmoit.gov.ba*;

3. Izjava o neosuđivanosti i nevođenju postupka po osnovu privrednog kriminala; *Prilog: III*; preuzeti sa web stranice: *www.fmoit.gov.ba*;

4. Izjava o nesudjelovanju u koruptivnim radnjama; *Prilog: IV*; preuzeti sa web stranice: *www.fmoit.gov.ba*;

5. Izjava o korištenim potporama male vrijednosti; *Prilog: V*; preuzeti sa web stranice: *www.fmoit.gov.ba*;

6. Ugovor ili potvrda o otvorenom bankovnom računu;

7. Izjava da se protiv podnosioca prijave, odnosno lica ovlaštenih za zastupanje i voditelja programa ili projekta, ne vodi krivični postupak i nije pravosnažno osuđen za prekršaji/ili počinjenje krivičnog djela (sačiniti tekst izjave i ovjeriti kod nadležnog organa ili notara);

8. Izjava o sufinansiranju % vlastitog učešća u projektu (sačiniti tekst izjave i ovjeriti kod nadležnog organa ili notara).

➤ Obaveznu dokumentaciju aplikanta u zavisnosti od registracije podnosioca projekta, **pored naprijed navedenih**, čine i sljedeći dokumenti:

a) Pojedinci - Iznajmljivači u domaćinstvu i seoskom domaćinstvu u ruralnim predjelima:

1. Rješenje o ispunjavanju minimalno – tehničkih uslova vrsti i kategoriji objekta u domaćinstvu ili seoskom domaćinstvu za vrste objekata (sobe, apartmani, studio

apartmani, kuće za odmor, kamp u domaćinstvu) izdato od strane Federalnog ministarstva okoliša i turizma ili Rješenje nadležnog kantonalnog ili općinskog/gradskog organa sa područja Federacije BiH;

2. Kopija lične karte;

3. CIPS-ova prijava o prebivalištu;

4. Izjava da se pružanje usluga smještaja u domaćinstvu i seoskom domaćinstvu vrši u ruralnim predjelima, a prema definiciji navedenoj u javnom pozivu, sa tačnom adresom i lokacijom na kojoj se nalazi domaćinstvo i seosko domaćinstvo (ovjerena od strane nadležnog organa);

5. Dokaz o uplaćenju boravišnoj taksi za 2021. godinu u kantonima u kojima je uvedena obaveza plaćanja boravišne takse po osnovu kantonalnog propisa

- od ove obaveze izuzimaju se korisnici registrovani u 2022. godini;

6. Dokaz o izmirenom porezu na prihod od imovine za 2021. godinu, primjenjivo na domaćinstva i seoska domaćinstva registrirana do 31.12.2021. godine (od ove obaveze izuzimaju se korisnici registrirani u 2022. godini).

RURALNI TURIZAM definira se kao turizam koji obuhvata sve aktivnosti koje se obavljaju u ruralnom predjelu, a ne samo one koje bi se mogle definirati kao farmerski ili agroturizam. Najvažnija obilježja ruralnog predjela su¹: mirna sredina, odsustvo buke, očuvan okoliš, komunikacija s domaćinom, domaća hrana i upoznavanje sa poslovima na imanju. Ruralni turizam uključuje boravak na imanju te posebne oblike aktivnosti kao što su: odmor u prirodi, ekoturizam, pustolovni, sport, zdravstveni, kulturni turizam, hodanje, penjanje, jahanje, lov, ribolov i dr.

Federalno ministarstvo okoliša i turizma zadržava pravo da putem Google Maps provjeri lokaciju objekta, u cilju provjere da li se isti nalazi u ruralnom predjelu.

b) Pravne i fizičke osobe registrovane u Federaciji BiH dostavljaju:

1. Dokaz o registraciji kod nadležnog organa (Sud ili općina/grad);

2. Uvjerenja o poreznoj registraciji (ID broj i PDV broj ukoliko su PDV obveznici);

3. Uvjerenje o izmirenim poreznim obavezama i doprinosima sa 31.8.2022. godine;

4. Uvjerenje o izmirenim PDV obavezama ukoliko je aplikant PDV obveznik sa 31.8.2022. godine.

¹ Izvor: Vijeće Evrope 1986. godine

c) Obavezna dodatna dokumentacija po programima:

PROGRAM 2: Ukoliko se radi o proširenju smještajnih kapaciteta neophodno je dostaviti odgovarajuće dozvole (npr. Građevinska dozvola).

PROGRAM 4:

1. Spisak uposlenih sa 31.8.2022. godine izdat od strane Porezne uprave Federacije BiH;
2. Dokaz o broju štampanih primjeraka jednog izdanja (tiraž) u periodu od 1.1.2022. – 31.8.2022. godine;
3. Dokaz o čitanosti web portala, dnevnih novina i magazina u periodu od 1.1.2022. – 31.8.2022. godine;
4. Dokaz o broju objavljenih promotivnih materijala iz oblasti turizma;
5. Dokaz o kvalitetu i načinu realizacije medijskih sadržaja koji će biti producirani (kvalitet videa /snimci iz zraka, HD snimci kamere/ kvalitet fotografija i dr.)

V.

OBAVEZE APLIKANTA (PODNOŠIOCA ZAHTJEVA)

Podnosilac zahtjeva apliciranjem na ovaj Javni poziv obavezuje se na sljedeće:

- Sve Izjave sa tekstom koje je sačinilo Ministarstvo treba da budu potpisane od strane odgovorne osobe – podnosioca zahtjeva, kao i ovjerene od strane općinskog organa ili notara;
- Priložena dokumentacija se dostavlja u originalu ili ovjerenoj kopiji, koja ne može biti starija od šest (6) mjeseci, od dana objavljivanja ovog Javnog poziva na web stranici Ministarstva;
- U slučaju da dostavljena dokumentacija nije ovjerena u skladu sa ovom uputom, prijava će biti odbačena;
- Prijedlozi projekata se podnose na jednom od službenih jezika Federacije Bosne i Hercegovine.

NAPOMENE:

- Federalno ministarstvo okoliša i turizma će prilikom ocjenjivanja prijave, u programima gdje je to moguće, pri istim uslovima, uključiti načelo gender odgovornog budžetiranja i izvještavanja, te voditi računa o zastupljenosti mladih u projektima;
- Aplikant može konkurisati samo sa jednim projektom na ovaj program;
- Dokumenti koji se šalju na Javni poziv ne vraćaju se aplikantu;
- Sve promjene vezane za adresu sjedišta, telefonski broj, bankovni račun, aplikant je dužan prijaviti u roku od sedam dana;
- Aplikant je obavezan da na prijavnom obrascu navedene tačne kontakt telefone, e-mail adrese te kontakt osobu u svrhu korespodencije sa Ministarstvom u svakoj fazi javnog poziva.
- Zahtjevi aplikanata koji nisu izvršili ugovorne obaveze prema Federalnom ministarstvu okoliša i turizma iz prethodnih godina ili su nenamjenski trošili prethodno dobijena sredstva neće se razmatrati.

- Aplikanti kojima su dodijeljena budžetska sredstva po Javnom pozivu broj: 06-18-4-293/22 od 23.6.2022. godine, nemaju pravo prijave na ovaj Javni poziv.
- Korisnici sredstava iz Transfera za razvoj turizma 2019. godine nemaju pravo prijave po ovom pozivu.

NAČIN PODNOŠENJA ZAHTJEVA

Popunjen aplikacioni obrazac s pratećom dokumentacijom dostaviti **u originalnom primjerku** A4 formata.

Aplikacioni obrazac sa pratećom dokumentacijom se izrađuje na način da čini cjelinu i mora biti popunjen na računaru. Svi listovi, odnosno sve stranice aplikacije sa pratećom dokumentacijom moraju biti čvrsto uvezani na način da se onemogućiti naknadno vađenje ili umetanje.

Aplikacioni obrazac uz prateću dokumentaciju dostavlja se u zatvorenoj koverti isključivo preporučenom poštom na sljedeću adresu:

FEDERALNO MINISTARSTVO OKOLIŠA I TURIZMA
Hamdije Čemerlića 2/III
71000 SARAJEVO

S naznakom:

- Ne otvarati – „**Prijava na Ponovni javni poziv za preostala sredstva iz sredstava utvrđenih Odlukom Vlade Federacije BiH**“

Na poleđini koverta navesti:

- naziv subjekta;
- adresu i kontakt telefon;

Prijave dostavljene drugim putem (npr. lično, kao i putem faksa ili email-a), neće biti uzete u razmatranje.

ROK ZA PODNOŠENJE PRIJAVA

Krajnji rok za podnošenje prijave je do 20.10.2022. godine što potvrđuje datum na otpremnici, poštanski žig ili priznanica.

Prijave podnesene nakon isteka roka se neće uzeti u razmatranje.

Postupak dodjele sredstava

Federalna ministrica okoliša i turizma imenuje i razrješava stručne komisije za provođenje postupka dodjele navedenih sredstava u skladu sa važećim propisima.

Prigovori

Podnosiocima prijave (aplikantima) po ovom Javnom pozivu ne dopušta se izjavljivanje prigovora.

Rok za donošenje odluke

Odluka o odabiru projekata po programu i dodjeli sredstava donijeti će se najkasnije u roku od 30 dana od zadnjeg dana roka za dostavu prijave po Javnom pozivu.

Objava odobrenih projekata za sufinansiranje

Lista odobrenih projekata biti će objavljena na web stranici Ministarstva (www.fmoit.gov.ba) u roku od 7 dana od dana donošenja odluke o odabiru projekata i dodjeli sredstava.

Postupak ugovaranja odabranih projekata

Federalno ministarstvo okoliša i turizma će sa aplikantima koji ispune uslove i kriterije za dodjelu sredstava sklopiti ugovore o međusobnim pravima i obavezama, kao i o načinu i rokovima izvještavanja, najkasnije u roku od 30 dana od dana objave rezultata.

NAPOMENA: Aplikanti kojima budu odobreni projekti za sufinansiranje, biti će u obavezi dostaviti Ministarstvu bjanko mjenicu/e potpisanu/e i ovjerenu/e od strane aplikanta.

Ukoliko se aplikantu podrži projekat, u obavezi je da naznači da je projekat sufinansiran od strane Vlade Federacije BiH.

Način isplate sredstava

Konačnu isplatu sredstava vrši Federalno ministarstvo finansija putem trezora. Dinamika isplate sredstava zavisiti će od raspoloživih sredstava u Budžetu Vlade Federacije BiH.

Obaveze aplikanta o pravdanju dodijeljenih finansijskih sredstava

Dodijeljena sredstva je potrebno iskoristiti namjenski u roku koji će biti definisan ugovorom između aplikanta i Ministarstva.

Aplikant je obavezan Ministarstvu pružiti na uvid naknadno traženu dokumentaciju ili pojašnjenje.

Aplikant će dostaviti Ministarstvu finansijski i narativni izvještaj o utrošku sredstava kojim dokazuje namjenski utrošak sredstava koja su mu doznačena, u skladu sa potpisanim Ugovorom.

Rok za implementaciju projekta je 12 mjeseci od dana potpisivanja Ugovora sa Ministarstvom, odnosno od datuma uplate sredstava na račun aplikanta od strane Federalnog ministarstva finansija.

Postupak praćenja provođenja projekta

Postupak praćenja provođenja projekata vrši Komisija Ministarstva koju imenuje ministrica, putem pisanog izvještaja s pratećom dokumentacijom (dokazima o korištenju sredstava) koje korisnik sredstava u ugovorenom roku dostavlja Ministarstvu, kao i uvidom na licu mjesta kod korisnika sredstava kod kojeg ocijeni da je potrebno izvršiti nadzor.

ZAVRŠNE ODREDBE

U toku provođenja Javnog poziva, Ministarstvo zadržava pravo njegove izmjene i dopune, ako to ocijeni potrebnim.

Dodatne informacije

Sva dodatna pitanja u vezi ovog Javnog poziva mogu se postaviti u terminu od 12 do 14 sati, na jedan od sljedećih brojeva telefona Sektora za turizam i ugostiteljstvo: 726-728, 726-729, 726-730, 726-727 .

Broj: 06-18-4-293/22 - II
Sarajevo, 21.9.2022. godine



MINISTRICA

dr. Edita Đapo